

INFORMACIJA

O DRUGOM PROGRAMSKOM ZAJMU MEĐUNARODNE BANKE ZA OBNOVU I RAZVOJ (IBRD) ZA RAZVOJNE POLITIKE POSLOVNOG OKRUŽENJA (Development Policy Loan, DPL)

Navedeni kredit (drugi je u seriji od tri kredita) predviđen je u revidiranoj Strategiji partnerstva između Svjetske banke i BiH, kao odgovor Svjetske banke na zahtjev vlada u BiH s ciljem pružanja podrške budžetima za provođenje reformi i politika, koji nadopunjava postojeći Stand-by aranžman (SBA) s MMF-om, a predstavlja i dio šireg angažmana Grupe Svjetske banke na unaprjeđenju konkurentnosti i otvaranju radnih mjesta u BiH.

Predloženi zajam ima tri stuba, koji će obuhvatiti ključne reforme u oba entiteta:

- I. **Olakšanje pokretanja poslovne djelatnosti:** pojednostavljenje i smanjenje procedura i troškova registracije firmi, smanjenje notarskih tarifa i uvođenje modernih praksi korporativnog upravljanja za društva ograničene odgovornosti.
- II. **Pojednostavljenje investicionih procedura u oblasti inspekcije i gradnje:** pojednostavljenje postojećih inspekcija i procesa pribavlja građevinskih dozvola.
- III. **Pojednostavljenje procesa prekogranične trgovine:** pojednostavljenje i smanjenje dokumenata, vremena i troškova pribavljanja licenci, dozvola i odobrenja u vezi s uvoznim/izvoznim procedurama u izabranim sektorima u oba entiteta.

Vlada Federacije Bosne i Hercegovine je na svojoj 117. sjednici održanoj 28.05.2014. godine usvojila Zaključak V. broj: 1029/2014, kojim je podržala inicijativu da se Drugim programskim Zajmom za razvojne politike za poslovno okruženje (Business Environment Development Policy Operation Loan, DPO) kod Svjetske banke osiguraju sredstva za budžetsku podršku u iznosu do 37.400.000,00 € (ekvivalent 50.000.000,00 US\$) za Bosnu i Hercegovinu, od čega se na Federaciju Bosne i Hercegovine odnosi iznos do 22.440.000,00 EUR (ekvivalent 30.000.000,00 US\$) što iznosi 60 % od ukupno odobrenih sredstava.

U skladu sa usvojenim zaključkom Vlade Federacije Bosne i Hercegovine, 07.08.2014. godine u Uredu Svjetske banke u Sarajevu, održani su pregovori o nacrtu Sporazuma o financiranju kao i drugoj pratećoj dokumentaciji, a kojim su prisustvovali predstavnici Svjetske banke, Ministarstva financija i trezora BiH, Federalnog ministarstva financija i Ministarstva finansija Republike Srpske.

Uvjeti koji su bili postavljeni za pristupanje pregovorima o navedenom zajmu su ispunjeni a odnosili su se na usvajanje Zakona o inspekcijama, Izmjena i dopuna Zakona o registraciji privrednih subjekata od strane Parlamenta Federacije BiH, te utvrđivanje konačnog Prijedloga Zakona o privrednim društvima od strane Vlade Federacije Bosne i Hercegovine.

Sredstva kredita odobravaju se Federaciji pod slijedećim uslovima:

- rok otplate:.....25 godina
- grace period:.....10 godina
- pristupna taksa:.....0,25 % godišnje
- kamatna stopa:.....LIBOR (za euro) + varijabilni spread
- dospijeća:.....polugodišnja
- datumi plaćanja glavnice i kamata:15. veljače i 15. kolovoz svake godine

Na osnovu procjena Svjetske banke opšta makroekonomska pozicija u zemlji i dalje je stabilna i povoljna za pozajmljivanje za politike u BiH, te da su mjere vezane za povjereničke aranžmane i zaštitne mehanizme održavaju i da su na zadovoljavajućem nivou. Prije poplava, očekivao se polagani oporavak ekonomskog rasta u srednjoročnom periodu. Rast je dostigao 1,8 procenata u 2013. godine vođen u velikoj mjeri izvozom. Prije poplava, bio je projiciran postepen rast u srednjoročnom periodu na 3,5 procenata do 2015. godine, zasnovan na povećanju izvoza, nastavku stabilnog priliva doznaka i određenom napretku na implementaciji strukturalnih reformi. Međutim, razorne poplave, do kojih je došlo u maju 2014. godine, te ponovo početkom avgusta 2014.g. su povećale ekonomske izazove u BiH i sada se za 2014. godine prognozira usporavanje rasta. Preliminarne procjene ukazuju na kombinirane štete i gubitke od blizu 15 % BDP-a. Kao posljedica toga, u 2014. godine se očekuje smanjenje ekonomskog rasta za 0,7 %, a udio domaćinstava koja žive u siromaštvu bi se mogao povećati za čak 1,8 %. Poplave nameću pritisak i na javne financije, te se očekuje povećanje fiskalnog deficita s -2 % na -4,5 % BDP-a. Uz malo raspoloživih domaćih resursa, dodatni finansijski nedostatak će se morati pokriti donatorskim sredstvima. Kao odgovor na poplave, u Briselu je 16. jula 2014. godine organizirana zajednička donatorska konferencija za BiH i Srbiju. Početni pokazatelji navode da će donatorska pomoć pokriti kratkoročne potrebe za rekonstrukcijom. Poplave iz avgusta 2014.g. su dodatno povećale štete, kao i potrebu za da vlada izdvoji sredstva za socijalni i ekonomski oporavak.

Imajući u vidu navedeno, Vlada Federacije Bosne i Hercegovine je, na 131. sjednici održanoj 10.09.2014. godine, utvrdila Prijedlog odluke o prihvatanju zaduženja po Sporazumu drugog programskog zajma između Bosne i Hercegovine i Svjetske banke - Međunarodne banke za obnovu i razvoj (IBRD) za razvojne politike poslovnog okruženja.